



Meeqqat Angerlarsimaffiat Tupaarnaq
Sipisaq Kujalleq 9
3900 Nuuk

30. april 2019

Nal. nr./j.nr.: 2018-900-0023
All. nr./brevnr.: 60419
Sull./sagsbeh.: LARI/jh

INAARUTAASUMIK NALUNAARUSIAQ

Meeqqat Angerlarsimaffianni Tupaarnami misissuineq

1. Aallaqqaasiut

Meeqqat Angerlarsimaffianni Tupaarnami (matuma kingornatigut Tupaarnamik taaneqartartussami) Nuummiittumi misissuineq Inatsisartut Ombudsmandiannit misissuartortunit 27. aamma 28. februar 2019-imi ingerlanneqarpoq. Misissuineq Ombudsmandip ataatsimut sulineranut ilaatillugu ingerlanneqarpoq, taamaalillunilu naammagittaalliuummik tunngaveqarani ingerlanneqarluni.

Misissuartortut tassaapput siunnersortit pisortaat Lasse Risager, fuldmægtig Henrik Bach aamma nutserisoq/oqalutsi Ole Heinrich, tamarmik Ombudsmandeqarfimi atorfeqartitaasut. Taakkua saniatigut Meeqqat Pisinnaattaaaffiinut Sullissivimmi MIO-mi siunnersorti Nauja Benjaminsen peqataavoq. Misissuinerup ilaa Kommuneqarfik Sermersumi suliassaqarfiup pisortaanit Ellen Magnussenimit peqataaffigineqarpoq.

Misissuinermi eqqartorneqartut ilaannaat nalunaarusiamni matumani ilanngunneqarput.

Tupaarnaq nalunaarusiaq manna pillugu oqaaseqaatiminik saqqummiussinnissaminut periarfissinneqarsimavoq, 29. april 2019-imi nalunaarluni nalunaarusiaq paaqqinniffiup oqaaseqaateqarnissaanut pissutissaqalersitsingitsoq.

2. Misissuinermi inatsiseqartitsinikkut tunngavigisaq

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-imeersumiippoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumas-suteqartuunani, tak. § 6, imm. 1.

Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siullit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminnil- luunniit ingerlatsinerminnut atatillugu allatigut kukkussuteqarnersut sumiginnaandersulluunniit Ombudsmandip nakkutigisassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiusinnaavoq, innassuteqaateqarsinnaalluni suliamillu paasinninnini aamma saqqummiussinaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit Ombudsmandip sulinerani pineqartunut ilaatinneqartut suulluunniit Ombudsmandip misissorsin-naagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqqissuussaaneranut ingerlanneqarneranullu tunngasut kiisalu pissutsit paaqqinniffimmik atuisut pineqartarneran-nut taakkulu pillugit ingerlatanut tunngasut inuppalaartumik misigittartumilu isiginnttaaseq aallaavigalugu naliliiffigisinnaavai, tak. Ombudsmandi pil-lugu inatsimmi § 16-imi oqaaseqatigiit aappaat.

3. Misissuinerup piareersarneqarnera ingerlanneqarneralu

Tupaarnaq misissuartussamaarnermik oqarasuaatikkut 10. januar 2019-imi ilisimatinneqarpoq. Misissuineq pillugu paasissutissat amerlanerusut Tupaarnap allakkatigut 15. januar 2019-imeersutigut tiguai. Tupaarnaq tamatumnga peqatigitillugu qinnuigaara sulisut, najugaqartut ilaquaasullu tamaasa misissuisoqassamaarneranik misissuartortunillu oqaloqateqarnissamut periarfissaqarnerannik ilisimateqqullugit.

Paaqqinniffik, sulisut najugaqartullu pillugit allakkatigut paasissutissat assiginngitsut misissuineq sioqquillugu Tupaarnamit tiguakka.

Misissuartortut paaqqinniffimmi ilaquaasunik pingasunik misissuineq ullormik ataatsimik sioqquillugu oqaloqateqarput. Oqaloqatiginninnerit marluk Ombudsmandeqarfimmi ingerlanneqarput, pingajuallu oqarasuaatikkut i-ngerlanneqarluni.

Misissuinermi 27. aamma 28. februar 2019-imi ingerlanneqartumi pisortaq aamma immikkoortortaqarfintti pisortat marluk misissuartortunit oqaloqatigineqarput. Taakkua saniatigut sulisut tallimat najugaqartullu sisamat ataa-siakkaarlugit misissuartortunit oqaloqatigineqarput. Paaqqinniffiup initai misissuartortunit aammattaaq misissorneqarput.

Paaqqinniffimmi 2018-imi aamma 2019-imi pissaanermik atusimaneq pillugu nalunaarutiginninnermi immersukkat pingasut misissuinerup kingornagit Tupaarnamit tiguakka.

4. Tupaarnaq pillugu ataatsimut oqaatigisassat

Tupaarnaq kommunip meeqlanik inuusuttunillu ulloq unnuarlu paaqqinnifiutigaa. Paaqqinniffik Kommuneqarfik Sermersuumit ingerlanneqarpoq, initaal Nuummiillutik.

Tupaarnaq Meeqlanut Immikkoortortaqarfimmut najugaqartunut 6-12-inik ukiulinnut arfinilinnut inissalimmut aamma Inuuusuttunut Immikkoortortaqarfimmut najugaqartunut 12-18-inik ukiulinnut pingasunut inissalimmut

avinneqarsimavoq. Immikkoortortaqarfiit marluk taakku illumi quleriillutik immikkoortillugit inissinneqarsimapput.

Paaqqinniffimmi misissuinerup nalaani najugaqartut qulingiluaapput sulisullu 15-iullutik.

5. Ombudsmandip pingaarerusutigut naliliinera

Tupaarnaq paaqqinniffittut najugaqartunut toqqisisimanartunik angerlarsi-maffippalaartunillu avatangiiseqarnissamik, najugaqartunullu pissaanerup sapinngisamik annertunerpaamik atornaveersaarneqarneranik qitiutitsisutut pitsasorujussuarmik paasiaqarfigaara.

Najugaqartut, sulisut ilaquaasullu paaqqinniffik nersualaartorujussuuaat. Sulisut misissuartortunit oqaloqatigineqartut paarsilluartuusut, nalunng-qatiginnissuseqarluartuusut ilumoorfinginnittuusullu malunnarpooq. Init eqqi-luitsupput, kusanartuullutik nuannersuutillu.

Pissutsit ataasiakkaat oqaaseqaateqarnissannut pissutissaqalersippaannga. Taakku tulliuttuni imm. 6-imilu allaaserineqarput.

6. Pissaanermik atuisarneq pillugu inatsisip meeqjanut angajoqqaa-nullu ilisimatitsissutigineqartarnera

Meeqjanut inuuusuttunullu 18-it inorlugit ukiulinnut ulloq unnuarlu paaq-qinniffimmi inissinneqarsimasunut pissaanermik atuisarneq pillugu malittari-sassat isumaginninnermik suliassaqarfimmi pissaanermik atuineq pillugu I-natsisartut inatsisaanni nr. 1-imilu, 21. november 2013-imeersumi kingusin-nerusukkut allanguuteqartinneqarsimasumi (matuma kingornatigut pissaanermik atuisarneq pillugu inatsimmik taaneqartartussami) immikkoortuni I-imipiipput II-miillutillu (§§-ini 1-imit 29-mut).

Pissaanermik atuisarneq pillugu inatsimmi § 27-kkut aalajangersarneqarpoq meeqqat inissinneqarsimasut angajoqqaatullu oqartussaassusermik tigmiaqartut inatsimmi immikkoortumi II-mi (§§-ini 4-mit 29-mut) malittari-sassanik ilisimatinneqarnissaat ulloq unnuarlu paaqqinniffiup pisortaata qu-

lakkiissagaa, matumani tulleriinneri malillugit kommunalbestyrelsimit aama Isumaginninnermi Naammagittaalliuuteqartarfimmut §§-it 24 aamma 26 tunngavigalugit naammagittaalliorNSSAMUT periarfissaqarnera ilanngullugu eqqarsaatigalugu.

Inatsimmi § 27 piareersarlugu sulianit erserpoq meeqqap angajoqqaatullu oqartussaassusermik tigummiaqartup sunik pisinnaatitaaffeqarnerminnik ilisimasaqarnissaat kiisalu ulloq unnuarlu paaqqinniffimmi sulisut meeraq eqqarsaatigalugu pissaanermik atuinermi qanoq iliuuseqartarnissaat aalajingersakkap taassuma qulakkiissagaa.

Tupaarnami pisortap misissuinermi nassuaatitut oqaatigaa ass. sulisut na-jugaqartunik tigupilueeqqusaannginnerat, najugaqartunut suangasaqqu-saannginnerat najugaqartunillu oqaasipilusseqqusaannginnerat paaqqinnif- fiup najugaqartunut angajoqqaanullu oqartussaassusermik tigummiaqartu- nut oqaloqatiginnissutigisarai. Paaqqinniffiulli pissaanermik atuisarneq pillu- gu inatsit nammineq, matumani pissaanermik atuisoqarsimanera pillugu naammagittaalliorNSSAMUT periarfissaqarnera ilanngullugu eqqarsaatigalu- gu, oqaluttuarineq ajorpaa.

Inassuteqaatigaara pissaanermik atuisarneq pillugu inatsimmi immikkoor- tumi II-mi malittarisassat, matumani kommunalbestyrelsimit aamma Isu- maginninnermi Naammagittaalliuuteqartarfimmut naammagittaalliorNSSA- mut periarfissaq ilanngullugu eqqarsaatigalugu, najugaqartunut angajoq- qaatullu oqartussaassusermik tigummiaqartunut ilisimatitsissutigineqartar- nissaat Tupaarnap pissaanermik atuisarneq pillugu inatsimmi § 27 tunnga- vigalugu qulakkiissagaa.

7. Pissaanermik atuisarneq pillugu inatsisip tiguneqarneranut up- pernarsaat

Pissaanermik atuisarneq pillugu inatsimmi § 29-kkut aalajangersarneqarpoq inatsit ulloq unnuarlu paaqqinniffinni tamani inatsimmi pineqartunut ilaatin- neqartuni sulisunut tunniunneqartassasoq, sulisullu inatsimmik tigusaqar-

nertik ulloq unnuarlu paaqqinniffiup pisortaanut uppernarsarlugu atsiortas-sasut.

Tupaarnami pisortap misissuinerup ulluani siullermi oqaatigaa sulisut tamar-mik pissaanermik atuisarneq pillugu inatsimmik e-mailikkut nassinneqar-tartut, tigusaqarnertilli uppernarsarlugu atsiornissaannik qinnuigineqarneq ajortut. Sulisut tigusaqarnertik uppernarsarlugu atsiortarnissaminnik paasi-tinneqarnissaat pisortap isumaginiarpaa.

Pisortaq misissuinerup ulluisa aappaanni oqarpoq sulisut arlallit atsioqqul-lugit massakkut qinnuigineqarsimasut, sulisullu sinneri ullup ingerlanerani kingusinnerusukkut tamatuminnga qinnuigineqarumaartut.

Paasissutissiissutigineqartut tusaatissatut tiguakka.

8. Malitseqartitsineq

Tupaarnaq qinnuigaara nalunaarusiaq manna sulisunut, najugaqartunut ila-quatasunullu paasissutissiissutigeqquullugu.

Nalunaarusiapi matuma assilinera Isumaginninnermut Inatsisinillu Atuutsitsi-nermut Naalakkersuisoqarfimmut ilisimatitsissutitut nassiuppara.

Tupaarnamik misissuineq matumuuna inaarlugu suliarineqartut isigaara.

Nalunaarusiaq manna 2019-imi ukiumoortumik nalunaarutinni ilangunne-qarumaarpoq, nittartakkannilu www.ombudsmandi.gl-imi tamanut saqqum-miunneqarumaarluni.

Inuullaqqusillunga

Vera Leth